

GRAD ZAVIDOVIĆI



VODIČ

KROZ POSTUPAK OSTVARIVANJA PRAVA NA PRISTUP INFORMACIJAMA ZA NADLEŽNOSTI GRADA ZAVIDOVIĆI

SA INDEKS REGISTROM INFORMACIJA

Poštovani građani,

Ovaj vodič omogućava vam da se upoznate sa postupkom ostvarivanja prava na pristup informacijama iz nadležnosti Gradskog vijeća, Gradonačelnika i službi za upravu Grada Zavidovići u skladu sa odredbama Zakona o slobodi pristupa informacijama u Federaciji Bosne i Hercegovine /»Službene novine FBiH« broj 32/01 i 48/11/ i Uputstvom za provođenje Zakona o slobodi pristupa informacijama u Federaciji BiH /»Službene novine FBiH« broj 57/01/.

O Zakonu o slobodi pristupa informacijama

Zakon o slobodi pristupa informacijama u Federaciji Bosne i Hercegovine, /»Službene novine FBiH« broj 32/01 i 48/11/ ustanovljava opće pravo svakog lica na pristup informacijama koje su u posjedu općinskog organa uprave. Sloboda pristupa informacijama je temeljno demokratsko pravo građana i veoma važno sredstvo u osiguravanju vladavine prava i dobrog upravljanja.

Javni pristup informacijama u posjedu javnih organa ima tri važna cilja.

Prvo, podstiče veću otvorenost i odgovornost javnih organa pri donošenju odluka. Osnovna poruka ovog Zakona je odgovornost javnih organa pred javnosti.

Drugo, unapređuje demokratijupromovišući učesće javnosti pri donošenju odluka javnih organa. Obezbeđujući pristup informacijama koje su pod kontrolom javnih organa daju se veće mogućnosti javnosti da procjenjuje i daje komentare o aktivnostima i politici javnih organa.

Treće, sloboda pristupa informacijama doprinosi borbi protiv korupcije i lošeg rukovođenja u organima vlasti.

Informacije po ovom Zakonu definisanesu kao svaki materijal kojima se prenose činjenice, mišljenja, podaci ili bilo koji drugi sadržaji, uključujući svaku kopiju ili njezin dio, bez obzira na oblik, karakteristike, vrijeme kada je sačinjena i kako je klasificirana.

Zakon obavezuje javne organe da objavljuju određene vrste informacija redovno i po vlastitoj inicijativi.

Informacije iz nadležnosti Gradskog vijeća, Gradonačelnika i službi za upravu Grada Zavidovići su dostupne, osim informacije čijim bi se otkrivanjem mogla izazvati šteta poorgan a posebno informacije u oblasti obrane i bezbjednosti, sprečavanju kriminala i drugih informacija koje su precizirane u Zakonu.

Pristup informacija

Zakon o pristupu informacijama omogućuje vam pristup informacijama sa kojima raspolažu nadležni Graski organi i službe za upravu Grada Zavidovići.

Pristup željenim informacijama ostvaruje se podnošenjem zahtjeva

- da je podnesen u pismenoj formi na jednom od službenih jezika Federacije BiH
- da sadrži ime, prezime, adresu i broj telefona podnosioca,
- da sadrži naziv organa od koga se traži informacija
- da sadrži dovoljno podataka o traženoj informaciji
- da se podnosilac izjasni o načinu pristupa informaciji

Ako vaš pismeni zahtjev za pristup informacijama ispunjavanavedene uslove, Grad Zavidovići će rješenjem odobriti pristup informaciji na način koji iskažete.

Način pristupa informacijama može biti:

- neposredni uvid u informaciju
- slanje informacije na naznačenu adresu
- umnožavanje informacija

U slučaju odbijanja pristupa informaciji, u cjelini ili djelimično, Grad Zavidovići donijeće rješenje, navodeći zakonske osnove za isto, kao i pouku o pravnom lijeku.

Zahtjevu za pristup informacijama koje su Zakonom izuzete od objavljivanja neće se udovoljiti, a razlozi odbijanja i sva materijalna pitanja koja su važna za odluku biće obrazloženi u donesenom rješenju.

Grad Zavidovići je obavezan vaš zahtjev riješiti u roku od 15 dana. U slučaju da se zahtjev ne izvrši u ovom roku biće te pismeno obaviješteni o razlozima.

Zahtjev koji se odnosi na ličnu informaciju može podnijeti samo osoba na koju se informacija odnosi, odnosno njen zakonski zastupnik ili punomoćnik. Osoba na koju se informacija odnosi dužna je službeniku na Info-centru i u prijemnoj kancelariji kod podnošenja zahtjeva pokazati ličnu kartu ili drugi lični dokument sa fotografijom ili uz zahtjev priložiti dokaz o zakonskom zastupanju, odnosno punomoć.

Javni organ ne naplaćuje naknadu ili taksu za podnesene zahtjeve, rješenja ili obavještenja u smislu Zakona. Cijena se određuje samo za troškove umnožavanja u skladu sa Uputstvom za provođenje Zakona.

Naknada za datu informaciju u slučaju umnožavanja plaća se 0,50 KM za svaku stranicu standardne veličine koja prelazi deset prvih besplatnih stranica i 5,00 KM po disketi za elektronsku dokumentaciju.

Zahtjev za pristup informacijama možete dobiti i popuniti na Info-centru Grada Zavidovići kojeg predajete na šalter prijemne kancelarije u prizemlju zgrade Općine Zavidovići, putem pošte ili e-maila, na adresu organa za kojeg smatrate da je u posjedu informacije koje vi tražite. Sve informacije o provođenju Zakona o slobodi pristupa informacijama možete dobiti kod službenika za informisanje neposredno i na tel. 032 206-701 ili kod službenika Info-centra u prizemlju zgrade Gradske uprave neposredno i na telefon 032 206-780, kao i putem e-maila općine Zavidovići:

grad.zavidovici@zavidovici.ba

INDEKS REGISTARINFORMACIJA

u posjedu Grad Zavidovići

Ovaj indeks registar, uz nazive Gradski službi, sadrži osnovne informacije koje službe, s obzirom na svoj djelokrug rada, posjeduju.

Postupak pristupa informacijama obrađen je u Vodiču kroz postupak ostvarivanja prava pristupa informacijama /prethodni dokument/ a sve detaljne informacije možete dobiti kod službenika zaduženog za informisanje i na Info-centru Grada Zavidovići.

Ovim indeksom uz nazive službi za upravu dat će se pregled osnovnih informacija iz nadležnosti tih službi.

I. Služba za upravu privrede, lokalni razvoj, infrastrukturu i međunarodnu saradnju

- podaci vezani za razvoj privrede na području Grada Zavidovići
- podaci o prirodnim resurima i ekologiji
- podaci o stambenom fondu Grada Zavidovići
- podaci o izradi i realizaciji planova, programa i projekata iz oblasti komunalne infrastrukture
- podaci o investicionim planovima, programima i projektima od interesa za Grad Zavidovići
- podaci vezani za budžet i računovodstvo
- podaci iz oblasti zanatstva, ugostiteljstva i turizma,
- podaci o obnovi Grada
- podaci o saradnji sa donatorima
- podaci o radu inspekcija (urbanističke, građevinske i inspekcije za ceste)

2. Služba za upravu geodetskih, imovinsko-pravnih poslova i urbanizma

- podaci o prostorno-planskoj dokumentaciji
- podaci o urbanističkim saglasnostima
- podaci o odobrenjima za gradnju
- podaci o upotrebnim dozvolama
- podaci iz oblasti geodetskih poslova, katastra nekretnina /u postupcima uplanjenja objekata, cijepanja i iskolčenje parcela, kopije katastarskih planova i dr./
- podaci o povratu nekretnina u svojini građana
- podaci o legalizacije bespravno izgrađenih objekata
- podaci o zbirnom katastru komunalnih uređaja
- podaci o katastarskom operatu
- podaci iz postupka primjene Zakona o građevinskom zemljištu, eksproprijaciji, stvarnim pravima i drugih materijalno pravnih propisa koji se primjenjuju u radu ove službe

koji mora ispunjavati slijedeće uslove:

3. Služba za upravu društvenih djelatnosti, pitanja boraca i opću upravu

- podaci iz oblasti gradjanskih stanja
- podaci iz biračkih spiskova
- arhivirani predmeti i dokumentacija iz ranijih godina
- podaci kojima raspolaže pisarnica
- podaci iz oblasti obrazovanja, nauke, kulture i sporta
- podaci o socijalnoj i dječijoj zaštiti
- podaci o stipendiranju i pomoći učenicima i studentima
- podaci o takmičenju učenika srednjih i osnovnih škola
- podaci o saradnji sa nevladinim organizacijama, udruženjima građana i fondacijama
- podaci o provođenju Zakona o slobodi pristupa informacijama F BiH
- podaci o mjesnim zajednicama
- podaci o nabavci opreme, potrošnog materijala, drugih roba, usluga i radova za zajedničke potrebe
- podaci o ostvarivanju prava branilaca i članova njihovih porodica, raseljenih i izbjeglih lica
- podaci o mirnodopskim vojnim invalidima
- podaci o ostvarivanju prava boraca NOR-a

4. Služba za upravu civilne zaštite

- podaci o zaštiti stanovništva od prir. i dr. nesreća
- podaci o zaštiti od požara, gašenju i spašavanju ljudi i materijalnih dobara
- podaci o klizištima
- podaci o miniranim i deminiranim područjima
- podaci o skloništima
- podaci o procjeni ugroženosti od prir. i dr. nesreća
- podaci o obuci građana na provođenju lične i uzajamne zaštite
- podaci o radu Profesionalne vatrogasne jedinice kao unutrašnje organizacione jedinice ove službe

5. Služba za upravu poljoprivrede, vodoprivrede i komunalnih poslova

- podaci iz oblasti poljoprivrede, vodoprivrede i komunalnih poslova
- podaci o izradi i realizaciji planova, programa i projekata iz oblasti komunalne Infrastrukture
- podaci o komunalnim naknadama zajedničke komunalne potrošnje i naknadama po osnovu korištenja gradskog građevinskog zemljišta i javnih površina
- podaci o unapređenju poljoprivrede, lova, zaštite voda i veterinarstva
- podaci iz nadležnosti rada vodne, kom. i sanit. inspek.

6. Stručna služba Gradskog vijeća

- podaci o propisima Gradskog vijeća /statut, budžet, odluke i drugi akti/
- podaci o radu komisija i radnih tijela Gradskog vijeća
- podaci o radu Gradske izborne komisije
- program rada i izvještaj o radu Gradskog vijeća
- zapisnici sa sjednica Gradskog vijeća
- vijećnička pitanja i odgovori na ista
- podaci o izvršavanju općih propisa i drugih akata iz nadležnosti Gradskog vijeća

7. Stručna služba gradonačelnika

- podaci o aktima Gradonačelnika
- program rada i izvještaj o radu Gradonačelnika
- normativni akti vezani za radne odnose /sistematizaciju, plaću, broj i kvalifikacionu strukturu zaposlenih i dr./
- podaci o koordinaciji i usmjeravanju rada gradskih službi
- podaci o provodjenju ISO standarda
- podaci o informisanju na nivou Grada Zavidovići

Ostale napomene

Poštovani građani, ovim vodičem i indeksom nastojalo se udovoljiti vašim potrebama i oni uz ostale publikacije Grada Zavidovići nastoje da vas usmjere u pravcu kvalitetnijeg ostvarivanja vaših prava i da vas informiše o lakšem načinu ostvarivanja istih. Značaj informacije ogleda se u kvalitetu njenog korištenja i kvalitetno informisani čovjek štedi dragocijeno vrijeme. Ako ste vi informisani onda je i službenicima u Gradskoj upravi Grada Zavidovići lakše uspostaviti kvalitetnu komunikaciju, a takva komunikacija je doprinos efikasnom radu javne uprave, što je svima nama cilj.

Pozivamo vas na saradnju.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Broj: 02-05-1115/17
Dana, 22.03.2017. godine

GRADONAČELNIK

doc. dr. HašimMujanović